




柳田文庫
文庫11
D 268
3



文庫11
D 268
3

元經薛氏傳卷五

經東晉康帝建元元年春帝正月卽位夏四月遣將
伐蜀秋七月丁巳詔桓溫止伐圖中原冬十二月石
虎侵張駿戰于河西虎兵敗績

傳曰康帝諱嶽字世同成帝母弟也初封瑯琊王
庾冰謀立長君遂詔帝爲嗣及卽位欲定制度年
號興中朝故改元曰建元焉四月遣益州刺史
周撫西陽太守曹據伐蜀李壽敗之于江陽七月
石虎將戴開率衆降詔曰慕容皝摧殄羯寇是天

柳田泉文庫

010190558709

亡之始也中原之舉宜加籌量戴開歸順宜遣使
詰安西諮謀軍事

安西張駿也

以輔國將軍桓温入臨

淮庾亮為都督以圖伐石虎冬十二月石虎恐涼
州為後患張駿每遣使渡江多為虎所獲於是伐
駿為駿所敗春秋之例敵未陣曰某敗師若莊十
一年敗宋師于潛是也皆陣曰戰大崩曰敗績若
莊二十八年甲寅齊人伐衛衛人及齊人戰衛人
敗績是也或書地若僖二十二年冬十一月宋公
及楚人戰于泓宋師敗績又宣十二年六月荀林

父及楚人戰于泌楚師敗績是也

經建元二年春帝正月張駿討于闐破之二月慕容
皝及宇文歸戰于昌黎歸兵大敗奔漠北夏四月張
駿敗虎于三交城秋八月平北將軍桓宣卒衛將軍
褚裒鎮金城 九月巴東楊譙擊李勢戰獲其
將樂高丙申立皇太子戊戌帝崩于式乾殿葬于崇
平陵

傳曰張駿東界置沙州西界至河州於姑臧築城
流沙伐龜茲善鄯焉耆前部皆臣於駿南羗于闐

不服駿遣和鱗謝艾大破之鮮卑宇文歸遣其國
相莫淺渾攻慕容皝皝不與戰渾不設備皝率騎
兵擊之渾大敗乘勝斬其將涉奕于盡俘其衆徒
五萬餘部落於昌黎改涉奕于城曰威德城行飲
至之禮宇文歸遁于漠北張駿遣將張璠敗石虎
將王擢于三交城不書名微也桓宣譙國人累有
戰功次於祖逖周訪都督沔北前鋒軍事鎮襄陽
石虎攻襄陽宣募精勇出其不意殺退之庾翼北
討以宣爲司雍涼三州荊州之南陽襄陽新野南

鄉四郡軍事後爲石虎將李羆所敗發憤卒蜀李
勢驕吝荒淫不卹國事巴西太守楊譙擊其將申
陽走之獲其將樂高經言勢亡國自此始也立皇
子聃正嗣也戊戌帝崩至十月乙丑葬于崇平陵
崩葬並書從舊史文也

經穆帝末和元年春帝正月卽位司空庾冰薨尚書
令諸葛恢卒六月癸亥地震冬十月都亭肅侯庾翼
卒司馬朱壽討于瓚戴羲平之八月豫州路永出奔
趙張駿伐焉耆

傳曰穆帝諱聃字彭子康帝子也卽位時二歲皇
 太后褚氏臨朝攝政正月甲戌后設白紗帷於太
 極殿抱帝臨軒改元庾冰字季康累以戰功遷會
 稽內史初王導初喪人情洶然衆望歸冰咸曰賢
 相康獻皇后臨朝徵輔政冰辭以疾尋卒年四十
 九贈司 忠書薨進而賢之也曷謂賢曰冰以
 兄亮 雄傑而天性清慎 於政理家無
 私積世以此稱 書三公足勸來者諸葛恢字道
 明鄉邠人祖縱父親仕吳弱冠知名過江名亞王

導庾亮元帝初以恢爲 簿太興初爲會稽太守
 政績第一累遷尚書令卒年六十二六月地震主
 約陽弱盛夏陰蔽陽之象也庾翼字稚恭少有大
 畧見杜乂殷浩輩語人曰此輩束之高閣埃太平
 然後議其任耳謂成帝曰桓温有英雄之才勿以
 常人視之累遷南郡太守保石城得全翼之功多
 亮卒授翼都督六州軍事代亮鎮武昌時稱才幹
 由是河南皆懷歸附遣使東至遼東 慕容 西到涼
 州 張 駿要結二方欲謀大舉以滅胡平蜀爲已任言

元經 卷之四
論慷慨形于詞色康帝卽位翼上表北伐曰賊虎
年已六十醜類怨叛又欲決死遼東若北無掣手
之虜卽江南不異遼左矣臣所以輒發良人不顧
忿咎然東西形援未必齊舉且北進安陸入沔輒
率南郡太守王愆期江夏相謝尚潯陽守袁真西
陽守曹據精銳三萬并北平桓宣搖蕩秦雍御以
長轡用逸待勞數年興復可冀臣臨許洛竊謂桓
溫可渡何充據淮泗路永進屯合肥於是發所統
六州奴及車牛騾馬向襄陽有衆四萬大會僚佐

陳旌甲親授弧矢曰我之行也君此射矣二起三
疊徒衆屬目其氣十倍俄疽背而卒年四十一書
曰都亭肅侯嘉其武也于璜戴義者何庾翼部將
也翼卒乃作亂翼司馬朱燾及將軍衆真討平之
永爲豫州刺史庾翼旣卒乃叛歸石虎書曰出奔
內 張駿伐焉耆北接烏孫地方四百里葱嶺
以東皆服張駿遣沙州刺史楊宣疆理西域降之
得衆 四萬焉

經 永和二年春帝正月錄尚書事何克卒夏四月已

西朔日有蝕之五月涼州牧張駿薨六月趙將王擢
執涼州護軍胡軍又伐金城降張冲涼將謂艾拒
趙師敗績秋七月褚裒爲儀同三司冬十一月桓溫
伐蜀十二月枉矢流于西北長半天

傳曰何充孰謂曰充字次道潛人也少與王導善
日歷顯官王導庾亮並薦充方槩有萬夫之望由
是加 部尚書侍中庾冰兄弟以外戚權重爲外
物所攻說帝宜立長君成帝從之充建議曰武王
卜授聖弟漢景欲傳祚梁王朝臣以爲不可今瑯

琊卽位如獲子何康帝疾篤冰翼意欲在簡文充建
議立太子是謂穆帝冰翼既卒充輔幼主以褚裒
者皇太后父宜綜朝政薦裒錄尚書事此選以忠
臣爲先不以私恩樹親戚談者重之性好釋氏供
沙門費巨億不吝親友則無所施遺以此獲譏阮
裕嘗戲之曰卿志大宇宙勇邁終古充曰何故裕
曰我圖數千戶郡尚未能得卿圖作佛不亦大乎
卒年五十五謚曰文穆贈司空不書贈譏無大功
而忝大位也四月己酉日蝕五月涼州牧張駿薨

駿以通好於我稱臣曰陛下天挺岐嶷堂構晉室
遭家不造播幸吳楚宗廟有忝離之哀園寢有殄
廢之痛臣遐域僻陋勢極秦隴石勒李雄旣死人
懷反正謂虎期之命曾不崇朝雍容江表坐觀

目前之安替四祖之業馳檄布告徒設空文
臣 霄吟荒漠痛心長路者也少康中興起于
一旅光武嗣漢衆不盈百况以荆揚慄悍臣州突
騎吞噬遺 在于掌握哉在位二十二年卒四月
日蝕五月駿薨主有應天之象也是歲世子重華

繼立趙石虎遣將王擢麻狄空金城金城太守張
冲降于狄涼州重華任謝艾爲中堅將軍配步騎
五千擊狄大破之初有裊鳴于牙中艾曰裊邀也
六博得裊者勝今裊鳴于牙中克敵之兆也世稱一
代名將也褚裊字季野獻后父也桓彞謂季野有
皮裏春秋謝安亦重之曰裊四時之氣備矣以后
父求出江州刺史在官清約而褒詰庾亮亮使郭
璞筮之曰非人臣卦及太后臨朝有司奏議欲加
不臣之禮裊上疏固讓歸藩進儀同三司書官譏

不稱也十一月桓温帥將軍周撫袁喬等伐蜀拜
表輒行見諸葛亮八陣圖于魚復平沙之上壘石
八行相去三丈温曰此常山蛇勢也文武皆莫能
識謂明帝温克成都張本也枉矢流西北本志枉矢以亂伐亂
之應也

經永和三年春帝正月三月桓温攻成都李勢降夏
四月秋九月地震冬十二月蕭敬文陷涪州取巴西
通漢中

傳曰桓温與李勢戰于窄橋温參軍龔護沒衆懼

彭吏誤鳴進鼓於是進攻之勢衆大潰温乘勝

城勢固縛

昇觀 縛焚觀送于京師九月地震者桓温陰

盛臣 兆也振威護軍蕭敬文害征虜將軍楊

謙攻涪城陷之遂取巴西通漢中書蜀亂未已也

經永和四年帝正月夏五月大水秋九月燕慕容皝

死子雋嗣位冬十月石虎將符健寇竟陵

傳曰慕容皝死在位十五年子雋僭號追謚文明

皇帝雋既立即燕王位依春秋列國故事稱元年

穆帝遣冊雋大單于燕王符健者符堅之伯也在
石虎 竟陵書符氏興張本也

經永和五年春帝正月石虎僭號于鄴夏四月周擊
范 獲之益州平石虎死子世嗣僞立五月石遵自
立秋十月褚裒次彭城遣將與石遵戰於代陂王師
敗績八月涼州人攻趙人長城戍敗之冬十月趙人
攻宛執南陽太守郭啓十一月石鑿殺石遵自立十
二月將軍褚裒卒

傳曰石虎字季龍勒之從子勒授與其子弘虎私

上自都襄國以來吾躬當矢石二十餘年克定
十有三州成大趙之業者我也大單于實在我而
授黃吻小兒上晏駕之後不足留種也後果廢弘
自立至是僭稱皇帝建元曰太寧居鄴大修宮觀
凡在位十五年死其子世嗣位爲石遵所廢石遵
自立僞稱王也在位凡三十三日褚裒次彭城遣
將王龕李邁及石遵將李農合戰執王龕殺李邁
書大崩也涼人司馬攻長城戍涼仇池公楊初攻
西城皆敗之涼 也十月趙人石遇攻宛陷

之執南陽太守郭啓而石遇亦遵族子書人徵之也石鑿者遇之從弟也初篡立石冲鎮薊聞之曰世受先帝之命而遵輒殺罪逆莫大乃大舉兵親討之石鑿與石閔謀廢遵率甲士執之于如意觀初遵與宮人彈碁見甲士至問曰反者誰也對曰義陽王鑿當立乃殺遵于琨殿鑿卽位以石閔爲武德王褚哀自彭城爲石遵所敗憂慨發疾而卒年四十七諡曰元穆追贈太傅不書譏常材也

經 永和六年春帝正月懸而不樂閏月冉閔弑趙石

鑿自立僭號魏丁丑彗星見于亢巳丑氏帥符來降以爲氏王三月趙故將麻狄鳩殺符洪六月石祗及其弟琨攻冉閔爲閔將王泰所敗秋八月譙王無忌薨十二月免蔡謨爲庶人

傳曰正月元會懸而不樂以褚哀之喪也冉閔者謂石閔也本姓冉石虎養爲孫父瞻季龍子之閔力絕人胡夏宿將皆憚之旣殺石鑿羣臣上尊號僭位於南郊改元永興國號大魏居襄國遣使臨告我曰逆胡亂中原今已誅之若能共討者可遣

諸來也朝廷不荅責其無禮也彗星見于亢占曰為兵大疫冉閔殺胡十餘萬人中原大亂之應也氏帥者堅之祖也洪弟健始入關其先氏羗故號氏虎既歿麻狄嫉洪故鴆殺之石祗者亦

衆十萬代鄴為閔將王泰所敗死者萬

餘也譙王無忌者剛王遜之孫也無忌字公壽隨

桓溫伐蜀有功薨諡曰烈稱功也按無忌傳無忌父承差為王敦

所害及敦平無忌兄王廙子拔刀以刃之中丞車灌奏無忌專殺付廷尉帝曰原情可貴聽以贖論

蔡謨字道明陳留考城人也累遷侍中司徒謨謂

所親曰我為司徒為後代所哂上司徒印綬章表

十餘不受帝年八歲甚倦問左右所以召人何以

不至太后詔若不來宐罷朝中軍將軍殷浩奏免

謨為庶人譏殷浩之專政而晉室衰矣

經永和七年春帝正月丁酉日有蝕之符健僭號秦

王夏四月刺史司馬勲與符健戰五丈原王師敗績

五月劉顯殺石祗劉啓來奔秋八月趙人冉遇來降

九月峻陽太陽二陵崩無傳十一月趙姚弋仲魏統皆

來降十二月趙人周成高昌樂弘李歷相次來降

傳曰符健洪之子也既敗王師乃僭號皇帝位不
書帝不與其僭帝也然則符健僭王何以書曰諸
侯王人臣皆稱焉帝則天下真主稱之僭不亂真
春秋之大例也劉顯者石祗之將也祗使顯攻冉
閔為閔所敗乃密降閔請殺祗以自效於是殺祗
閔懸祗首於通衢劉啓者顯之從弟也趙兗州刺
史惡顯所為乃來奔自是趙國分裂故冉遇姚弋
仲魏統周成高昌樂弘李歷皆邊戍之臣避亂來
降

經

末和八年春帝正月辛卯日有蝕之

無傳

二月峻平

崇陽二陵崩夏四月冉閔為慕容雋所滅將軍謝尚
討賊張遇王師敗績秋七月趙故將王擢請降冬
十月將軍周撫討

傳曰峻平崇陽二陵崩遣

衛五陵

不能固皆崩有盜穴之故也去年峻陽太陽二
陵崩不書盜者告不以盜故不書盜冉閔既殺石
祗盡誅諸胡遣使常煒者聘于慕容雋雋使封裕
詰之曰閔息養常材負恩篡逆有何祥應僭稱大

號煒封曰狼烏紀於 王麟龍表于漢魏寡君應
 天御曆能無祥乎又問曰閔鑄金為七象壞而不
 成奈何有天命乎煒曰鑄形之事所未聞也左右
 欲殺煒雋曰兵交使在其間赦之乃遣慕容恪伐
 閔固守不 恪連擊皆勝閔奔常山追及于孤水
 擒閔斬之于龍城閔國亡周制九代之法其極曰
 滅言冉閔滅趙以非辜故亦為慕雋非辜滅也張
 遇以許昌反詔安西將軍謝尚討之戰于許昌王
 師敗績符健使其弟雄襲遇虜之不書虜恥王師

之不若

按張遇者符健之將也初降尚尚不能

敢付廷尉書王師

敗績實譏尚云 王擢者石虎故將也遣使來請

拜秦州刺史未幾擢為符健所逼奔于涼州書曰
 請降實未降耳蕭敬文者蜀故將也未和三年反
 據涪城至是周撫始斬平之冉智者孰謂閔之子
 也閔既國亡智以鄴降送傳國璽其文曰受天之
 命皇帝壽昌百僚稱賀未幾為其將馬願執之降
 慕容恪書請降言未降于我也

經末和九年春帝正月

華遣王擢與符雄戰

敗績三月交州刺史阮敷破林邑五月張重華
取秦州八月遣河間王欽修五陵冬十月姚襄叛
未涼張重華薨子耀靈立是月張祚弑耀靈自立
傳曰張重華使王擢伐苻健擢旣敗單騎而還重
華素服爲戰亡者舉哀復授擢兵遂襲取秦州林
邑國者漢象林縣也卽馬援鑄銅柱之處也其國
主范文末和三年攻陷日南殺太守至是交州刺
史阮敷發兵擊破之河間王欽者彭城元王璽之
子也河間王顥無後以欽爲嗣使修五陵禮也姚

襄者何羗人弋仲之子也隨來降襄叛擊殷浩賂
之掠淮南有衆七萬稱六單于走入關爲苻堅所
殺張重華死年二十七立子耀靈年十歲張祚弑
之自立僭號稱帝跋和平元年涼自此亂矣

經末和十年春帝正月帝臨朝周成反襲洛陽二月
桓溫伐關中廢殷浩爲庶人夏四月桓溫苻萇戰于
藍田五月郭敞叛六月桓溫與苻雄戰于白鹿原王
師敗績

傳曰周成者冉閔降將也自宛陵襲洛陽桓溫伐

符健書曰關中言姚襄亦入關不止諸符而已殷
 浩字深源善玄言好老易累遷至都督徐兗揚豫
 青州諸軍事桓溫素忌浩上浩罪曰案中軍殷浩
 侵官離局高下在心受專征之重無雪耻之志坐
 自封植妄生風塵姚襄弟入質浩不能撫用陰圖
 殺害生長亂階自浩始也乃廢為庶人符萇者何
 萇健之子也桓溫率眾四萬趨長安健 萇率眾
 五萬拒溫轉戰次于灊上萇敗退溫眾饑乃還不
 書敗之者譏溫無功也

按符健載記云健聞溫來
 伐收麥清野以待之故溫

糧盡大
 饑引還

經未和十一年春帝正月甲辰汝南王統薨夏四月
 壬申隕霜姚襄寇外黃六月秦符健死秋七月宋混
 弑張祚立玄靚冬十二月慕容恪寇廣固壬戌上黨
 人請降

傳曰四月隕霜也春秋傳云天反時為災人反德
 為亂亂則妖災生正陽用事而隕霜者陰反陽也
 臣戾君也本志謂庶徵常寒之罰劉向云誅罰不
 由君出在下之象蓋此時桓溫專政之應姚襄者

弋冲之子既叛晉自稱大單于攻外黃為邊將高李所敗而退六月符健死子生嗣偽位書秦者別秦自為國也言非晉所統矣宋混者敦煌人也與祚宗人張瓘起兵聲言張祚無道遂殺之梟首宣示內外國人怨祚暴威稱萬歲眾共立耀靈弟玄靚慕容恪者皝之子兄儁之子暉既僭帝位以恪叔父大功總攝朝政圖洛陽故兵臨廣固秦中大震符堅親將以備潼關恪不利而還是時桓溫初收洛邑故書寇言復晉也廣固洛東虎牢之

地上黨人馮鴛自稱太守背符生遣使來降非歸命也姑結援耳

經永和十二年春帝正月懸不而樂將軍段龕敗慕容二月太尉桓溫討姚襄夏四月秋七月桓溫

冬十月修洛陽陵無傳

經升平元年春帝正月加元服始親政丁丑隕石于槐里一將軍段龕與慕容恪戰死之三月帝釋奠于中堂夏五月將軍謝尚卒符堅敗姚襄斬之六月符堅殺符生自立符堅將張平以并州請降無傳逸按張平本石

季龍將也石虎死平歸慕容儁至是稱藩臣晉

傳曰帝即位時年二歲至是年十六矣加元服告於太廟始親萬機故改元隕石隕星也春秋隕石于宋五叔服曰陰陽之事非吉凶所生按本志曰星墜者當其下有戰場慕容恪字立恭眇第四子也及暉之世恪專總朝政秦州刺史段龕改慕容恪至是為恪所陷見害書死之閔忠也釋奠中堂者權為太學也本志謂古禮立學必釋奠于先聖先師漢元帝始祠孔子至魏使太常釋奠孔子于

辟雍晉帝親釋奠于中堂權也

晉未立太學故權以中堂祭

謝

尚字仁祖豫章太守鯤之子也未和中累遷至僕射桓溫平洛陽表尚為鎮會疾不行徵拜衛將軍卒姚襄者弋仲子也弋仲相石祗於襄國祗季龍嗣也常戒諸子曰吾以晉亂而石氏待我厚今石氏已亡中原無主自古未有戎狄作天子者我死汝即歸晉乃降至是襄入關討苻生為生所敗苻堅命斬之堅襄皆名者戎夷直書其事無所褒貶也苻堅字永固雄之子也其先戎人也祖曰洪事石季

龍居鄴雄生堅及苻生嗣健偽位殘虐無度於是
 堅殺之自立為大秦天王書曰自立非正也皇后
 何氏父準散騎侍郎以名家應選禮也賜脯大赦
 不書非古也言脯設老人可矣赦宥罪賜則冬十一
 月雷災也

經升平二年春帝正月慕容儁陷冀州五月有星孛
 天船秋八月將軍謝奕卒十二月郎將荀羨及慕容
 儁戰于山荏王師敗績

傳曰慕容儁字宣英皝之子也永和八年僭號燕
 帝至是儁盡有冀州諸郡有星孛天船本志謂彗
 星出天船有謂占曰兵喪王除舊布新天船主大
 水外夷交侵之象謝奕字無奕安兄也累遷至都
 督豫司冀并四州諸軍事書卒得常也荀羨字令
 則侍中崧之子也尚公主累遷徐兗監軍事救青
 州段闢為慕容儁所敗書王師敗績譏羨致其敗
 也

經升平三年春帝正月三月甲辰詔王公戶助糧運
 秋七月將軍高昌奔滎陽冬十月郎將謝萬郟曇皆

為慕容儁所敗交州刺史溫放之討林邑降之

無傳

傳曰比年出軍糧運不繼詔王公以下士戶偕一

人以助運譏國蹙也高昌者孰謂本石季龍將也

石亡稱藩于我至是為慕容所逼奔滎陽儁時中

國無主亡人奔敗書滎陽不書晉譏晉不能庇也

謝萬將兵次下蔡郗曇次高平皆敗績言慕容方

強晉日削也

經升平四年春帝正月慕容儁死暉嗣位夏四月秋

八月辛丑朔日有蝕之冬十一月桓溫封南郡公

傳曰燕儁將死

若行

蝕在角幾既

淺者

淺蝕深者

門人主惡之明年帝崩之兆桓溫自平姚

襄後以功至是封南郡公

經升平五年春帝正月北中郎將郗曇卒廣州刺史

滕含卒

無傳

夏五月帝崩于顯陽殿立瑯琊王為帝七

月葬穆帝

傳曰郗曇字重熙司空郗鑒之後也累遷至北中

郎將都督徐充刺史鎮下邳書官卒無譏也帝年十九無嗣崩于顯陽殿以壽終也

以顯陽殿為正寢崩于寢無他

故也瑯琊王丕字千齡成帝長子也穆帝崩太后詔

以丕即帝位七月葬穆帝譏速也

天子七月而葬

經哀帝隆和元年春帝正月帝即位二月庾希鎮下

邳袁真鎮汝南立母周氏為皇太妃三月甲寅朔日

有蝕之丁丑浩臺山崩叛臣呂護寇洛陽戴施奔宛

五月丁巳詔庾希鄧遐救洛陽七月庾希與慕容暉

戰擅丘破之冬十月賜貧民米人五斛

傳曰哀帝於升平五年五月即位至今隆和書即

位者從正始也庾希袁真並假節出二鎮防慕容

暉也周氏初以選入成帝宮生哀帝帝詔有司崇

為皇太妃儀服與太后同春秋之義母以子貴禮

也丁丑涼州地震浩臺山崩本志曰張天錫亡之

兆也

天錫明年徙玄觀

呂護者冀州刺史先為慕容恪所

攻退保滎陽至是叛歸慕容暉反寇逼洛陽河南

太守戴施奔宛桓溫大衆在宛也書寇盛晉襄也

且言洛陽將不救也庾希鄧遐以舟師救洛陽並

書者邊政在一臣而已慕容暉將劉則及庾希將何謙戰則敗書曰破之喜賊退也賜貧民米書元早也

經興寧元年春二月改元三月壬寅皇太妃薨癸卯帝幸瑯琊夏四月桓溫錄尚書事癸卯慕容暉陷密城秋七月涼州張天錫弒西平公玄靚自立丁酉葬章太妃九月大司馬北伐冬十一月盜殺江州趙毗傳曰改元大赦大赦不書譏非古也凡赦國之大權有不得已則赦之今改元無大故而赦故不書

太妃周氏先以帝封瑯琊及帝立而尊穆帝太后故周氏猶居瑯琊及薨帝奔喪于瑯琊非古也曷謂非古曰天子之母當居天子之宮周氏雖避嫌太后不當猶居瑯琊諸王之第也故經書幸瑯琊言巡幸可也天子無外安有奔喪之文故不書奔喪禮也桓溫錄尚書事臣強自此始乎燕慕容暉攻密城陷之滎陽太守劉遠逃歸江陵遠不書微也微不足書也張天錫駿少子玄靚之叔也玄靚冲幼性弱天錫專政大臣張欽欲討天錫事泄伏誅天

錫率衆入禁門潛害玄靚乃自立書弒言玄靚亦
國君也世受晉封爵天錫專政篡立故書弒以貶
其大惡也周太妃諡曰章丁酉書葬禮也大司馬
北伐不書名而書官者尊天子之官抑權臣之盛
也不言伐某而曰北伐者示天子之大不以中原
外之諱晉之衰故特抑司馬之官以明邦政大四
方焉故曰北伐云耳盜殺者姚襄故將張駿焚武
昌掠府藏而殺刺史也駿不書名微也
名者舉江州爲言也毗不才而爲盜所殺者春秋襄

十一年盜殺鄭公子駢傳曰書盜言無大夫也又昭
二十年盜殺衛公孟縶狎齊豹齊豹以戈擊公孟
殺之齊豹衛司寇不書官不書名稱盜貶不義也
張駿本寇黨也故書盜云

經興寧二年春帝正月二月慕容評襲許昌癸卯帝
耕籍田三月庚戌大閱秋七月徵桓温入朝符堅侵
河南

傳曰慕容評者暉將也潛來襲許昌太守李福死
之侵汝南汝南太守朱斌遁于壽陽又圍陳郡太

守朱輔固守皆不書者謂晉諱爾哀帝無帝王才
 識逼於桓温之手慕容氏侵中原君子不忍彰晉
 之衰也故特諱不書意其欲真主挺生以興復中
 原乎帝耕籍田禮也哀雖衰弱猶能務農之本是
 謂禮典焉農為邦本庚戌大閱禮也先王之制居
 安慮危况晉室陵夷兵不可廢而不講焉徵桓温
 者何温既復洛陽上疏陳便宜七事詔温叅朝政
 至赭圻固讓乃鎮揚州書曰徵桓温入朝譏也温
擅權于外然顯符秦既僭號懼慕容暉先據洛陽
大故譏而不貶

侵河南春秋之義無鐘鼓曰侵

經興寧三年春帝正月庚申皇后王氏崩二月桓温
 冲監六郡事丙辰帝崩于西堂瑯琊王奕嗣帝位三
 月壬申葬哀帝丙午慕容恪陷洛陽

經廢帝太和元年帝正月即位二月乙丑涼張天錫
 公三月新蔡王邈薨夏五月戊寅皇

將軍朱序平梁州勲冬十二月慕容暉陷魯郡
 傳曰廢帝諱奕字延齡哀帝母弟也哀帝二月崩
 嗣皇帝位今正月始書即位者改元建正然

後卽位春秋舊制也張天錫以涼州稱藩故晉命之以公爵稱涼者自爲一國也新蔡王邈者武哀王騰之後也騰子確確子滔滔子弼弼子邈邈薨而子晃嗣封爲桓溫所廢司馬勳晉宗室濟南王遂之曾孫也咸和中自列乃受涼州刺史及周撫卒勳反桓溫遣朱序討勳勳暴虐民心不附自潰序執送于溫溫斬之書曰梁州勳不書姓削屬籍之十二月慕容暉遣將慕容厲陷魯郡高平

經太和二年春帝正月夏四月羅崇破慕容暉于竟

陵將軍桓豁獲趙繫秋九月郗愔鎮徐州

傳曰慕容暉遣其將塵寇竟陵太守羅崇擊破之桓豁爲右將軍慕容暉將趙繫咸宛詔豁擊獲之于魯陽送京師郗愔字方回鑒子也自會稽內史

遷

充簡文所薦用也

簡文輔 薦 愔受此命

經太和三年春帝正月三月丁巳日有蝕之無傳

月大風折木秋八月尚書王述卒

傳曰大風者洪範狂常風若思之不睿是

極凶短折也王述 湛孫也少襲父爵累

元經 卷五 二十四
令書卒無足稱也

經太和四年春帝正月夏四月大司馬

九月桓溫至枋頭而歸辛丑慕容

於 袁真叛十二月桓溫反

于涂中

傳曰大司馬執謂曰桓溫也曷謂不書桓溫

馬掌九伐之法天子任以邦政使專征不庭

衰司馬之官天子所任也不止桓溫獨當此

職 之意欲天子征伐靜中原服四夷故不書

溫重

也桓溫至枋頭何以書曰溫糧運不繼

焚舟而

已失策拜政之辱故不書官特書名

以示貶也溫

枋頭既歸後歸為慕容垂所追敗

于襄邑亦不書

皆貶也袁真為豫州刺史鎮壽

陽叛者怒桓溫也溫敗于襄邑歸過於真真怒乃

以壽陽降慕容暉

稽王昱即簡文也桓溫自山

陽會于涂中再謀北伐也

經太和五年春帝正月二月袁真死其子瑾嗣事四
月部將竺璠破袁瑾秋九月益州賊李金根反梓潼

太守周虓討平之冬十月秦將王猛滅燕以慕容暉歸

傳曰袁真死其黨朱輔立其子瑾號建威將軍夏

四月桓溫遣部將竺瑶破瑾於武丘九月廣漢賊

李引益州賊李金根反自稱聖王詔周虓字孟

威討平之將王猛攻壺關慕容暉遣慕容評

率兵四十于潞州川評大敗縛暉歸長

安書秦燕二國也夷狄滅夷狄或不名

非例也十六年楚人滅夔以夔子歸楚

夔皆稱

不書名元經之旨以秦燕猶

列國耳且明晉不能

經太和六年春帝正月將軍桓伊破秦將王鑒

桓溫平袁瑾三月將軍周楚卒夏四月秦符堅滅仇

池以楊纂歸十一月桓溫屯白石丁未廢帝為東海

王崩於吳縣

傳曰桓伊字叔夏侍中景之子朝廷以符堅強盛

選能捍疆場者用伊為淮南太守堅使王鑒張蚝

來袁瑾伊擊王鑒敗之書曰秦將符堅猶敵國

也丁亥平袁瑾壽陽平也周楚字元孫征西訪之
 孫也隨父撫入蜀拜將軍捷為太守撫卒朝廷以
 楚襲爵建成公監涼益二州軍事世在蜀得物情
 司馬勲反楚討平之又李金根賊反楚平之皆有
 功書官以卒世聞也周訪與陶侃齊名時王敦終訪之世不敢謀逆撫隨桓温
平蜀有功楚孫越陷于符堅堅問曰我元會 仇池晉家何如越曰成羣何敢比天子世聞名臣
 楊氏其先氏一人也數世襲封仇池公至楊世者
 初降秦既而稱藩于晉世死其子纂嗣位立而絕
 於秦纂弟楊統起兵武都與纂分爭符堅遣將符

雅率師七萬取仇池進攻

益戰于陝中纂降

雅雅送長安書歸者降歸也封纂強川侯桓温屯
 兵于白石詣闕諷太后集百官于朝宣太后令曰
 瑯琊王奕以母弟入纂大位昏濁潰 動遣禮度
 有此三孽莫知誰子欲樹儲藩誣罔祖 傾移皇
 基是而可忍孰不可懷今廢為東海王 拜
 莫不歔歔帝居吳縣安於屈辱沉湎 武
 元十一年崩于吳縣今年書崩者帝無
 其廢也故以帝禮終之而言崩于吳縣明失所

元經

卷五

二十七

昭公薨于乾
侯明失所也

48-11632

